

I P U I A K . ¹



Ondar-alecho bat
euskararentzat.

Artzaya.

Artzai bati otsoak
janikan ardiyak,
lendanik an gelditu
zitzaizkan erdiyak;
eta galera artaz
penetan zegoala,
erre zitayon bere
mendiko chabola.
Estura triste artan
zanean ikusi,
milla pensamentu zan
jirabiltzen asi;
esanaz lenago ni
aberatsa nintzan,
mendiyetan ardi zai
ibiltzen ez nintzan:
nituben baserriya,
bei, eta idiyak;
chal politak, astoa,
olloak, cherriyak;
soro zelai ederrak,
nola sagastiyak,

eta gaur besterenak
dirade guztiyak,
Chabol charra erre zait,
eztaukat etzauntzik,
nere kucha zarra-re
berriz daukat utsik;
gaur dauzkadan ardiyak
eztira betiko,
edo jango dizkitet
edo zaizkit ilko.
¿Zer egin biet bada
ontan aurrera nik,
iya ezpanaiz gauza
egjteko lanik?
nere atzen geldiya
dago ikusiya,
zokoren batean det
galduko biziya:
eta iñor eztala
oroitzen nigatik,
nere korputz argala
jango dute piztik.

(1) Fábulas premiadas con *medalla de plata* en las fiestas euskaras celebradas en Durango, en Julio de 1886,

Au esanaz zegoala
 mendiyen negarrez,
 galai bat joan zitzaion
 apainduba urrez,
 esanaz; aiskidia,
 ¿non dezu mutilla?
 zeñek erantzun zion:
 gerratean illa:
 —Ez: etzuben iñork ill,
 zure semerikan,
 ni naiz gaur natorrena
 Amerikatikan,
 eta ontan laztanka

eldurik alkarri,
 eman zizkaten milla
 esker on Jaunari.

.
 Gizonaren ustiak
 seguruk eztira,
 uste eztan moduan
 maiz irteten dira;
 ezta pensatu bear
 geiegi penetan,
 pozak tokiya baitu
 paraje denetan.

Katuba eta Sagua.

Egun baten sagu bik
 izan zuten era,
 allegatutzekoa
 jankai-en gelara;
 bañan katu-zulo bat
 bertan egonikan,
 buru-austek arrek
 ziozkaten eman.
 Bada pensatu zuten
 galdu etzitezen,
 katu beldurretikan
 libratu zitezen,
 bat gelditzea zulo
 arretan zalanzen,
 besteak bildur gabe
 naikoa zezan jan;
 segiran bat asirik
 miratzen baztarrak,
 topatu zuben gazta

bat, zeuzkana arrak,
 eta arzulo artan
 sarturik buruba,
 asi zuben lanbide
 ustez seguruba;
 onetan egin zuben
 katubak mirrimau,
 eta lagunak ziyon
 deitu; egin din mau,
 bañan oso gustora
 nola baitzan ari,
 etzion kasorikan
 egin lagunari;
 andik sarri zuben mau
 alderago egin,
 eta otsegin zion:
 —mau berriz egin din,
 bañan gaztan sarturik
 nola baitzegoen,